



Inatsisartuni ilaasortaq Kristian Jeremiassen, Siumut
/ maani

16. december 2011

**Attartortunik anisitsisarneq ineqarnermullu akiliutunik akilinngitsuukkanik
akiitsoqartarneq pillugu apeqqummut akissut**

Sagsnr. 2011-058861
Dok. Nr. 787451

Asasara Kristian Jeremiassen.

Postboks 909
3900 Nuuk

Apeqqutinnut qujanarsuaq, tamatumani suliassaqarfik annertuumik pingaarutilik pineqarmat. Apeqqutitit issuarlugit allappakka, kingornagullu akissutikka allallugit.

Tlf. (+299) 34 50 00
Fax (+299) 34 54 10

Kisiannili aallarniutigalugu erseqqissaatigissavara, allaffeqarfiga taamaallaat A/S Inissiaatileqatigiiffik INI-mut paasissutissanik piniarsimammat. Taamaattumik matuma kinguliani akissutikka taamaallaat inissianut Namminersorlutik Oqartussanit kommuninillu pigineqartunut, aammalu INI-mit aqunneqartunut tunngatillugu paasissutissanik imaqarput. Tamanna pissutigalugu paasissutissat Kommuneqarfik Sermersuumi aamma Kommune Kujallermi kommunip inissiaataanut tunngasunik imaqqanngillat.

E-mail: iaan@nanoq.gl
www.nanoq.gl

1. Inissiani attartortut anisitaasimasut 2010-imi aammalu 2011-imi nunatsinni qanoq amerlatigisimappat?

AKISSUT: 2010-mi attartortitsiunnaarnissaq pillugu attartortut 2.673-it allaffigineqarsimapput. Taakkunannga attartortut 131-it anisinneqarput. Taakkunanngalu 85-it inisseqqinneqarput.

2011-mi 31/10-2011 tikillugu attartortitsiunnaarnissaq pillugu attartortut 1.650-it allaffigineqarsimapput. Taakkunannga 116-it anisinneqarput. Taakkunanngalu 69-it inisseqqinneqarput.

2. Nunatsinni inissiani attartortittakkani akiligassat akilerneqarsimannngitsut qanoq amerlatigippat?

AKISSUT: Kommunit inissiaataanni INI-mit aqunneqartuni attartortut akiitsui akilinngitsuukkat 13.830.319 koruuninut naatsorsorneqarput, kiisalu Namminersorlutik Oqartussat inissiaataanni attartortut akiitsui akilinngitsuukkat 51.991.369 koruuninut naatsorsorneqarlutik.

Kisitsisit 31/10-2011-mi naatsorsorneqarmata, tassalu maannarpiaq, nuna tamakkerlugu inissiani INI-mit aqunneqartuni attartortut 65.371.689 koruuninik akilinngitsuukkaminnik akiitsoqarsimapput.

3. Inissiani attartortittakkani anisitaasimasut inissinneqaqqittarnerinut 2010-imi 2011-imilu inuiaqatigiit qassinik aningaasartuuteqarsimappat inissinneqaqqinnerinut?

AKISSUT: 2010-mi attartortut anisinneqartut inisseqqinneqarnerinut toqqaannartumik aningaasartuutit 7.145.781,89 koruuninut naatsorsorneqarput, aammalu 2011-mi 31/10-2011-p tungaanut aningaasartuutaagallartut 4.428.113,90 koruuninut naatsorsorneqarput.

Tamatuma saniatigut toqqaannangitsumik, immikkut ittumik naatsorsorneqarsimanngitsunik aningaasartuuteqartoqarpoq. Tassunga tunngatillugu oqaatigineqarsinnaavoq, ineqarnermut akiliutinut attartortunut annaasat ilaatinneqarmata. Tassalu attartortut tamarmik piffissaq eqqorlugu ineqarnermut akiliuteqarsimasuuppata, ineqarnermut akiliutit appartinneqarsinnaagaluarput. Akiitsut akilinngitsuukkat INI-p isumagisussaannngitsuuppagit aquttussaannngitsuuppagillu, allaffissornermut akiliut appartinneqarsinnaagaluarpoq, taamaalillunilu ineqarnermut akiliutit apparteqqinneqarsinnaallutik. Inissiat inisseeqqiffittut atorneqartut attartortunut, ineqarnermut akiliutissanut akiliisinnaasunut innersuunneqarsinnaassagaluarput. Politiit anisisarnernik isumaginninnermi ikiortigineqartartut isumalluutissanik sipaagaqarsinnaagaluarput, suliassanullu allanut atuisinnaagaluarlutik. Suliat akiliisitsiniartarfinnut nassiunneqartarput, attartortullu ineqarnermut akiligassaminnik akiliisartuuppata, tassani aqutsinermut isumalluutit aamma sipaarneqarsinnaassagaluarput.

4. Inissiani attartortut akiligassaqaarnertik pissutigalugu anisitaasimasut qanoq sivistigisumik anisitat inaanni najugaqarsinnaappat?

AKISSUT: Attartortunik anisitanik inissiani inisseeqqiffinni ineqarnermut akiliuteqarfiunngitsumik 2004-miilli najugaqartoqarsimavoq.

Inussiarnersumik inuulluaqqusillunga

Jens B. Frederiksen